

85. stjórnarfundur símafundur 5. mars 2015

Mætt: Hjalti Þór Vignisson, Böðvar Pétursson, Ruth Magnúsdóttir, Reynir Arnarson, Heiða Guðný Asgeirsdóttir, Rósa Björk Halldórsdóttir, Sigrún Helgadóttir, Snorri Ingimarsson og Þórður H. Ólafsson, framkvæmdastjóri.

Árni Geirsson frá Alta sat einnig fundinn.

Heiða Guðný vék af fundi kl.9:15

Fundur hófst kl.8:15

1. Stjórnunar- og verndaráætlun

Fyrir fundinum lá 2.útg. af drögum að Stjórnunar- og verndaráætlun með áorðnum breytingum frá 1.útg. Einnig lágu fyrir tillögur að breytingum, annars vegar frá Snorra Ingimarssyni og hins vegar frá Sigrúnu Helgadóttur.

Fyrst var farið yfir þær breytingatillögur sem snéru að vestursvæði þjóðgarðsins.

Snorri lagði fram tillögu um að opna akstursleiðina austan Deilis um Vonarskarð fyrir akstri vélknúinna ökutækja eftir 20. ágúst og reiðhjóla án tímatakmarkana.

- Stjórn samþykkti að halda sig við áður samþykkt ferli, sbr. fundargerð stjórnarfundar 17. des. 2014, um að skoða akstur í Vonarskarði næsta sumar og opna þá Stjórnar- og verndaráætlun á ný, ef ákveðið verður að gera breytingar á samgöngum í Vonarskarði.

Snorri lagði fram tillögu um að opna tvær akstursleiðir af Bárðargötu inn að jökli og akstursleið að Sáttmálsörk á Tungnaáröræfum.

- Stjórn samþykkti að opna leiðirnar ekki að þessu sinni, en vísa tillögunni til svæðisráðs vestursvæðis.

Í framhaldi var farið yfir breytingatillögur, annars vegar frá Snorra Ingimarssyni og hins vegar frá Sigrúnu Helgadóttur.

Stjórn hafnaði nokkrum breytingartillögum með ákvörðun um að þær þyrfti að skoða betur og þá fyrir næstu opnun á Stjórnar- og verndaráætlun. Þar á meðal voru tillaga SI um að breyta lýsingu á Vonarskarði og tillögu SH bann við vetrarakstri á víðernum, nema þar sem hann væri sérstaklega leyfður.

- Samþykktar breytingatillögur verða færðar inn í skjalið ásamt nokkrum orðalagsbreytingum.
- Ákveðið að Árni færi inn í skjalið allar samþykktar breytingatillögur og sendi það að því loknu á fundarmenn.
Formenn svæðisráða beri ábyrgð á því að kynna í sínum svæðisráðum, eins og þörf er á, þær breytingar sem orðið hafa á skjalinu frá 1. útgáfu.
Hið nýja skjal verði síðan tekið til umræðu á næsta stjórnarfundum.
- Ákveðið að skoðað verði frekar ákvæðið um tjöldun, SH og SI falið að koma með tillögu.
- Ákveðið að svæðisráð norður móti tillögu að bráðabirgðaákvæði um nýtt Holuhraun.

2. *Næsti fundur*

- Næsti fundur verður símafundur miðvikudaginn 11. mars kl. 8:15.
Einnig var ákveðið að þar næsti stjórnarfundur verði 26. mars á Kirkjubæjarklaustri.

Fundi lauk kl.10:00